

Չեացեն . այլ զկնի աւուրց ինչ զանազան պատճառանօք խնդրէր ընու զադահութիւն իւր , որպէս և միւս ազգաց :

Եւ իսպառ ընդդիմանալն Հայոց՝ ետ քակել 'ի գիշերի զքարինս 'ի պարսպէ վանաց Ս . Փրկչի , և 'ի վաղիւ դնաց բազմութեամբ 'ի քննութիւն , հրապուրէր և գիտաւոր քաղաքին՝ և 'ի չանսալ նորա բանից Քաղաքապետին՝ կոչեաց զՓոխանորդն Հայոց և սպառնայր բառնալ զքարինս 'ի գերեզմանաց եւ հանել զոսկերս մեռելոց . որպէս թէ արտաքս ելեալ իցեն 'ի սեփհական սահմանացն , եւ թէ մերձ 'ի գերեզմանն Բագոսի թաղեալ իցեն զմեռեալս , և առ այս ջանայր գրգռել զսյլազգիս Սիրոնի , այլ նոքա վկայեցին թէ այսօրիկ տեղիք 'ի բազում ժամանակաց անտի են 'ի ձեռս ազգին Հայոց վաւերական գրովք , յորմէ եւս չչահեալ ինչ դարձաւ յետս ունայն եւ ամօթալի : Ապա հրատուրէր միշտ գիտաւորն լինիլ կուսակից ինքեան 'ի կեղեքել զՀայս , այլ նա ոչ տայր տեղի բանից նորա , եւ ոչ թողոյր առնուլ ինչ յանիրաւի , մինչեւ անկեալ յիշխանութենէ գնաց յերուսաղէմէ :

Յետ նորա Իսրահիմ Աղա ոմն եկն 'ի Դամասկոսէ Քաղաքապետ Երուսաղէմի : Սա զառաջինն պահանջէր 'ի Հայոց 10,000 դահեկան , և յանկանիլ յիշխանութենէ Կուսակալին՝ լռեաց առ ժամն , եւ տեղապահ նորին գրեաց առ սա Իսրահիմ՝ ժողովել զմնացեալ հարկս յԱրաբացոց , և ընդ նորոգիլ իշխանութեան իւրոյ , գրեաց 'ի վանս Հայոց տալ 12,500 դահեկան իբր փոխ , որոյ զփորձն առեալ գիտէին , թէ փոխն ինչ ունի դառնալ յետոյ : Հայք ոչ ետուն , եւ աղաչեցին չտալ նեղութիւն վասն այսպիսեաց , զի Արքայն տուեալէր հրովարտակ՝ գիտելով զաղքատութիւնս նոցա և զնուազութիւն արդեանց :

Հայրացեալ ընդ այս Քաղաքապետին կարգեաց Ոստիկան զոմն 'ի հաղարապետաց և խնդրէր 7500 դահեկան : Եւ եղիա եպիսկոպոս տարեալ եցոյց զհրովարտակն Արքայի , և յայտ արար զքաւորութիւն միաբանաց , և եթէ հնար իցէ 40,000 եւս փոխանակագրով հատուցանել 'ի Կրպտանդինուպոլիս , եւ նորա ոչ անսացեալ , ստիպեաց զՓոխանորդն անպատճառ հատուցանել զգրամն . եղիա խնդրեաց ժամանակ խորհիլ ընդ Պատրիարքին և ընդ Արհրհրականս :